

重修平度州志序

自来善作者亦欲善成郡邑之有志鏡往
證今關繫尤鉅顧或抱殘守缺留心掌故者
竊有隱憾焉幸而文獻有徵於以廣資蒐
討而時會所值莫克圖成蓋不朽之業固
未易倉卒蕆事也平度州志倏自康熙
序

丙午迄今有餘年而覽者輒病其書猶
待正謬刊謬始為重修然而舉之實難未
遑遽興是役也道光癸卯保小叢刺史莅
斯州重加訂正覃思考究至丙午秋南陔脫
稿旋以簡書旁午去任後是役投寢越歲
間瓜代者迭率以倥偬相繼不暇董其成幸

不令人扼腕久之戊申春余權篆來此州人
士以志事請余續成之余以為取社徵文牧
民之責也不容以固陋辭因集寅寮儒紳重
為補綴綜覈付梓凡六匝月而事竣此以見
勤始者亟思觀成先後常有同志繁博所不
敢詞簡陋亦不敢安書既成此邦之光官斯土
序
者亦與有榮施也至其體例之辨析疑義之
校讐小巖已詳敘之固無待余更為鋪張
也夫

道光二十九年歲次己酉季春月中澣
賜進士出身署平度州知州臨桂鄒崇孟撰



重修平度州志序

夫無定而有定者數也在天爲星象在地爲陵谷或與時爲推遷要自有宰之於前定者是卽數焉余幼隨先宮保東河帥任居山左日最久屢奉移節南河兩江內中臺游升揆席隨侍往來山左轍迹幾

平度州志

一

徧三齊之形勝經余領略者已有年矣按平度爲膠東王舊治也分野在危虛婁胃間距斗星分野南指淞江望若咫尺余初筮仕粵西牧鬱林時於勾漏洞窺秘書權守南寧於崑崙關瞻雄鎮茲復承乏是邦猶憶少時遊歷齊東山川如昨旣抵任視

事正逢重修志乘竊幸掌故足徵允爲盛
舉經始於保君小巖告成於鄒君虛谷鄒
君本余在灘江時舊知名也適權篆在前
余踵其後藉得與重話桂林山水之樂蓋
數之前定者也又先余而董成是役爲斯
州二百年來裨補闕漏此尤有數存乎其

平度州志

二

間矣余樂爲斯志觀其成由是按籍而稽
識其風土人情求所以宜民之政而篤行
之亦可於治譜資考鏡云爾

道光二十九年己酉春三月知平度州事

錢唐吳慈撰



舊序一

考班固地理志平度之屬東萊也自漢已然嗣後沿革不常名稱非一要之爲三齊重地也我

皇清受命東省首先効款而平度一區脫賊壘以來歸二十年間張官置吏諸爲我屬而考成以有終者十不一二獨茲平度後先皆秩滿報遷其爲地方之善可知矣今

上甲辰李君以華胄英齡牧是土事事有循良風不踰年而政聲大起今又以志書告且問序不佞伏而讀之質而不俚文而不綺其立辭也簡而其用意也深不覺撫然嘆曰平度之賢□□可□□一介疆吏刑名錢穀□□□□奚以千百年之志爲其意然

平度州志

舊序一

不但志而已也庶幾省覽之下一展卷而山川風俗吏治民情卽不下堂而無不瞭如指掌其始有庖丁解牛躊躇四顧之意乎則此志又惡可已哉然吾於是乎有感矣余叨領郡務檢郡志則重修於萬厯中今甲子已週雲煙萬變若不亟圖似續而世代又遙老成日落雖欲問今問古亦付之山高水長而已可不惜哉則廣此志而爲好音之嗣也是余之責也夫是予之責也夫然余非不自知也重且鉅非僅一人所可負荷又非淺見寡聞所克就得七邑盡如平度俾不佞藉手於郡一家言直五侯鯖耳亦何有於黽勉從事哉故余旣心喜平度而又不能無望於諸令長也康熙丙午仲冬知萊州府事前禮部祠祭司郎中山東典試三韓張應瑞

撰

舊序二

平度古名勝之區也在戰國時屬齊卽墨昔田單嘗以孤軍抗燕收齊七十餘城故其後之忠臣孝子義士仁人間世遞出秦並六國廢爲郡漢興鑒秦之弊分王子弟犬牙繡錯而悼惠以天子至戚王齊得推恩分列食邑故其子雄渠遂王膠東焉是卽其地也厥後國除景帝二年更以子寄王膠東傳至數世而中衰不復置王改號平度歷唐宋元以來名稱輒異至故明復號平度定爲州州之由來舊矣我

國家撫定疆域法古相仍蓋其慎也予以今

平度州志

舊序二

二

上簡書之命來刺茲土莅其境北瞰大澤之層巒蔚然而深秀南眺姑白之廻瀾泓然而淼茫西涉膠水則元明運道之所從出也東望六山其上有康王冢在焉慨然曰此帝子之遺墟也今其軼事尙有傳焉者乎京兆政蹟飯牛歌風猶可聞其說乎其高人奇士義夫貞婦亦有接踵而起者乎詢之長老而長老皆無能爲予言者蓋典籍之淪亡久矣嗚呼是邑也僻處山阿舟車商賈之所不至冠蓋僕馬之所弗經其民安於絃誦耕桑而守土之臣亦得肆志於風塵鞅掌之外留覽誌載披對遺蹤而悠然道古乃數年之內狡頑憑凌於鄉曲軍旅馳驅於郵亭民困騷騷而失其本業蕭條窮苦無以爲生爲之長吏者方且擾擾於簿書獄訟問而何

暇爲之表章揚厲垂不朽乎予夙悵於中日夜孜孜拊循其疲民而與之休息故其民雖病而有起色雖稿項隴畝而常有寬然自裕之意予乃以案牘之暇間與鄉先生及一二好古之士講求故跡得斷簡殘編於灰燼中思從容而次述之於是闔學諸生具修志一呈甚愜素心卽爲申詳府憲 張太尊道演橫渠之脈學擬茂先之博俯仰今昔有懷同符因命予襄其事遂考訂舊志搜索新聞核之審而贊之公付諸剞劂以爲一邑國乘余觀古之人入其地者必察其俗察其俗者必紀其事與物與其壤奇俶偉之人下逮旗亭蕭寺片石曲水輒低徊向往之不能置而況名區所在變故相乘其孤芳幽蹤在若存若沒之間過此弗問又何以激發

謠俗昭示來茲乎是以書成都人莫不曰善而予亦差自慰矣時一披閱之際於山可以見高於水可以見深於事可以傳信於物可以誌怪於賢士大夫見循良之遺愛於碩德隱節見人情之靡厚於錢穀戶籍亦可見民力之普存也後之君子踵事增華庶幾覩指車而無憾者矣卽不敢與通都大邑爭雄長也寧不爲泱泱表東海者少贊一詞乎故以是爲之序康熙丙午菊月知平度州事李世昌撰

重修平度州志條例

通例三

一目錄圖爲地經之本尙矣諸表列傳肇於史遷表卽春秋編年紀月之文列傳則變左氏公穀文體爲之者也漢書始易史記八書爲志晉書創爲載記以別僞僭論者擬諸外篇也五代史又變班志爲司天職方二考所以缺疑徵信不敢強所不知以爲書也六者備然後義例全而繁簡各有其宜焉

一書法天主時故重年月日年不可缺故宜書年而不具者曰某年月日具則書缺則否或以時代之地主形故重方嚮辨差等郡邑曰置曰更曰省併曰分置縣於府曰屬於省曰隸山曰距曰連平度州志

凡例

一

曰界曰臨水曰入曰會曰注曰過曰至曰逕曰漚曰折曰迤工役曰築曰濬曰始建曰移建曰增置曰修曰葺皆義隨文具人倫主君父故重名氏爵位前代曰帝當代曰皇帝州人書名宦斯地者官名同書相臣書謚與名曰某公某於君臣神人之際則仍惟書名凡名氏官爵宜具而不具者皆以某爲文政主王者故重時制地理官階神號皆依

大清會典通禮二書引古書者各如其時凡此皆志中正文也其序論辨註之文則不盡然詳畧各有所適而已援引舊論必書所據遇新義則曰按

一書式禮振書端書於君前有誅故後世人臣於文翰之事尤所

致謹然歷觀古碑版文字有跳行而無擡頭今之試事乃有單擡
雙擡三擡之分蓋臣子進呈之體非著書之通規也嘗見府縣志
乘於雙擡三擡之分往往自亂其例且孤行迥出異時疊榻易於
損壞官惟屬吏吏惟省貲又見有紙體庫小而三擡雙擡之字爲
匠師裁損字體不具者是以至敬之事而蹈大不敬之罪也故定
其式序文條例用跳行志中正文惟用頂格以志之蓋序爲著書
者之詞志文義屬於公故其體差同亦竊附古人臨文不諱之義
爾

散例十一

一凡圖俱用開方式蓋有方則繪者心有所稟而遠近大小不失

平度州志



凡例

二

倫敘閱者目觀而易辨也是故文獻通考畫井田一里爲方禹貢
錐指以七百里爲方是鉅細皆所不遺也圖之義有六廣輪準望
道里方邪迂直高下說詳小序圖之法有四點線面體點以記道
里線以標水道面以定廣輪體以備山城宮室義皆本

欽定數理精蘊

一諸表者凡志之綱領沿革表者取舍之綱領也人物政事皆本
此以定故特詳焉山東通志表有二式郡縣合爲縱表分諸縣爲
橫表今特取橫表爲式州縣之志體別於省府也道里表地理
川城池鄉村之所總控

京省府縣之所由達故舊志無此而特表之官師選舉二表列傳

之綱領而適補列傳之不備是故官師非表名宦也表具官也選舉非表鄉賢也表仕進也然而名宦鄉賢取去之義見焉故君子重之封建封贈二表事所必具義盡小序中

一山川建置二志唐宋以來地志之書體盡乎二者高深者山川之極致而世多不具疏於測量也導山有其敘而今無所分採訪不及也今特志其所得知者方向不謬而已畧於山而詳於水者水爲斯民利害所繫也建置特以輕重先後爲敘義見於小序山川本乎天地建置主乎人功地志之實盡於二者其他政事人物皆由此推焉者矣

一物產風俗政事之本教養之源故納賈陳詩并重其典土物心

平度州志

凡例

三

臧具同其訓二者雖各有小序以明古今之異而記當時之文則都爲一卷以其事相因也

一賦役典禮志政教之實故皆以今制爲文夫子從周之志道蓋如是故安邱志論禮樂得失

欽定四庫全書非之居今反古儒者所不宜出也

一學校兵防所以申教令蓋士爲四民之首兵爲衛民之本故今之流官令丞簿吏而外校官武職更有置署觀於設官之義則知二志之不與典禮相複矣

一藝文志者末世所尙其義本於立言後儒不能擬而後言理蘊不足於內詞彩不炳於外規式不要於古事情不達於今而考訂

廟災梨棗則十倍於前人此好名而誤也故郡邑之志牘列此部採擇綦慎亦非概殺以從簡其篇家言散見於諸部說具小序一列傳分爲六類一曰王侯二曰官師三曰人物四曰僑寓外徙五曰列女六曰方外義亦具於小序不複論惟徐萬且庸生二傳以敘太初歷古文尙書齊論爲文侯庸崔延槐二傳取方正學周萊峯二序爲傳蓋徐庸之傳不敘歷法與傳經原委則詞不達義侯崔二傳不得二序則彝倫之懿文章之業上所以爲禮下所以爲學導揚風化啟迪後來者不明於世不得憚詞繁也此列傳之變體亦伯夷屈原諸傳之遺意方周二序皆以原序入文故曰公曰君不爲亂例其他萊峯二高士傳與列女之有原傳者皆編入

欲其與書名書氏之體相合不可以彼傳而亂吾傳例也

一古蹟形勝皆曰考者古蹟之眞贗存亡非考弗明近書所謂形勝不得形勝之用故必考而後形勝之實見金石訛遺二考近代所重正以前人著述多失實故也義皆見於小序不複

一大事記文多散見於沿革諸志列傳之中而復集爲是部者所以明古今之變天人之感通政治之盛衰人事之得失使覽者擇所法鑒知所惕省也故與祥異合而一之爲全志之總匯焉

一雜記卽舊志所謂志餘故卽其濫缺而刪補之舊志所載諸詩有可取而無附麗者附載於此然亦非泛爲論詩第以詩論雖佳不濫列也

重脩平度州志姓氏

鑒定

陞任太常寺少卿分守登萊青海防兵備道王鎮

分守登萊青海防兵備道英桂

署登萊青海防兵備道諸鎮

萊州府知府達鏞

總脩

平度州知州保忠

署平度州知州鄒崇孟

平度州知州吳慈

平度州志

姓氏

協脩

平度州儒學學正潘聞韶

署平度州儒學學正馬士崇

平度州儒學學正叢葆光

平度州儒學訓導梁士鶴

平度州同孫錦堂

平度州吏目白珩

署平度州吏目馮安蓀

平度州總姚偉

監理

江蘇常州府知府陳肇

署江蘇桃源縣知縣于醇儒

候選知州白玉堂

監翎侍衛崔錫麒

候選布政司理問許際盛

生員崔汝霖

總纂

直隸候補知縣前博興縣教諭李圖

揀選知縣王大鑰

原纂

平度州志

姓氏

二

濱州學正李澍

恩貢李本敬

恩貢官垲

濟南府教授李允升

參訂

增生孫懃

候選訓導崔知載

候選訓導許珣

候選訓導許尊五

貢生陳榮濂

監

生官永年

監

生張渥

校對

汶

上

縣

教

諭陳榮泌

候

選

州

同許修淳

候

選

布

政

司

理

問許精淳

陰

陽

學

典

術崔錫銘

貢

生焦步濂

貢

生崔立德

廩

生官去惑

平度州志

姓氏

三

廩

生馬鄰洽

生

員尙廣緒

生

員馬維楨

生

員孫正心

生

員姜殿琳

生

員崔恩暉

生

員陳葵香

生

員尙振緒

生

員崔怡善

生

員李青陽

採訪

惠

民

縣

教

諭黃敬淳

舉

人侯紀雲

中

書

科

中

書白星煌

四

品

頂

戴

武

生許廷玉

候

選

布

政

司

經

歷傳蘭萼

候

選

兵

馬

司

指

揮白星明

戶

部

司

務焦清桂

詹

事

府

主

簿白鶴年

候

選

千

總焦梅

平度州志

姓氏

四

崇

明

縣

縣

丞李榮

貢

生孔繼昌

貢

生李肖元

貢

生郭玉堂

貢

生王世澤

監

生馬清漣

監

生萬道統

廩

生王錫麟

廩

生崔猷溥

廩

生朱清心

增

生于肇修

增

生崔文林

增

生于嘉鎮

增

生孫天眷

武

生馬清溪

生

員官 玠

生

員李錫詔

生

員綦思溫

生

員崔 坊

生

員鍾璘圖

生

員張聖壇

生

員盧光紳

繪圖

廩

生孫文藻

監

生孫 芸

參繪

儒

士穆作霖

儒

士孫藝香

儒

士孫爾庚

儒

士孫爾甲

重修平度州志目錄

卷一

圖全

卷二

表一

沿革

道里

封建

卷三

表二

歷代職官

卷四

表三

明職官

國朝職官

卷五

平度州志

目錄

表四

選舉

卷六

表五

國朝選舉

卷七

表六

封贈

卷八

志一

山川

卷九

志二

建置

卷十

